



秣陵盛氏族譜序

上元盛仲交自著族譜成持以過余請序焉余  
惟自宗法廢而後譜牒興譜者所以尊祖而敬  
宗也自吾身視之仰而承焉自諸祖以上皆祖  
也敢不尊歟俯而思焉自諸孫以下皆宗也敢  
不敬歟夫尊祖者孝也敬宗者愛也孝愛立而  
彝倫以敘風俗以淳而有補於世道非細也其  
學莫盛於魏晉蓋當時選士必稽諸譜以辨真  
偽故官有世胄譜有世官自其法廢而其學遂

湮至宋廬陵有歐陽氏眉山有蘇氏各立族譜之法義例雖殊要之皆使人重其本之所自出詳其支之所由以維持人心綱紀世俗可以傳諸久遠故後之為譜者宗焉吾鄉自

高皇帝定鼎於茲迄今將二百載雖勳戚大家縉紳巨族亦罕存譜牒况其他乎何也國初盡徙城中人于四方漫取四方人實之以是都城中無世家因無世法遂無世譜自三四傳後子孫遂不識認名字不相通凶吉不相問况共承

祭祀共為宴享矣乎以是雖有同族寔為路人孝愛以是而衰風俗以是而薄可慨也已盛故無譜有之自今日始其先本吳人六國初徙居上元者在前代有顯宦有聞人仲交皆不錄曰此吾所不知也自族屬繁盛有故絕者有孱弱者仲交皆錄之曰皆吾祖之遺也今觀其譜先之以表所以紀世系也而親疎遠近之序昭矣次之以錄所以述世德也而隱顯出處之迹著矣由是而傳之於後雖百世可知也已其可謂

知所本者哉仲交吾庠名士屢薦案元人皆以  
魁解期之顧每臨場屋不為病室即為制拘天  
可謂困之矣夫天困之者正欲昌之也異日竣  
發而登庸焉必能行其所學立光明俊偉之業  
于斯譜也大有光矣仲交素敬余而余亦愛之  
故序是譜也不能無厚望焉

嘉靖壬戌歲春三月三日吉

賜進士出身中憲大夫前貴州等處提刑按察  
司副使龍廣山人司馬泰書

秣陵盛氏族譜

盛氏之先吳人也而吳之有盛氏其始不可考  
矣予自癸丑至今不幸兩罹先親之憂焉而伯  
兄亦卒於宦懼其久而湮也於是譜之系曰秣  
陵者別之也蓋嘗觀於泉焉泉之始於山也濺  
濺爾伏於草莽澮而為池達於渠澗委入江湖  
終於海泉之流極矣而不知其始於濺濺者也  
山之坎不盈尺而濺濺者其極至於入海然則  
人孰無始乎祖者子孫所始也而其久易忘忘

則不知矣子孫者祖所生也而其遠易失失則亦不知矣故必有譜焉以稽之而後家道庶幾也家之道非盡於譜由譜觀之可以知親踈遠近而喪祭婚姻往來晏享由是不廢焉故古之君子慎之也然今之為譜者偽無所不至而實則無有故予獨記其先世之行事於篇而其不可考者缺焉

盛氏

子諱

子彬

子宣

無嗣

諱以

全不

子松

子亨

子輔

無嗣

中不

仕娶

仕娶

賈氏

胡氏

享年

子桂

無嗣

享年

若干

子諱

子綱

無嗣

若干

卒

榮不

子紀

子汝謙

無嗣

卒

仕娶

子諱

子諱

子時春

任氏

經不

鸞不

子時泰

享年

仕娶

仕娶

子時東

五十

李氏

張氏

四八 享年 享年

月二 七十 六十

十七 九月 九八

日卒 十一月 十日

日卒 三日

卒

子鳳 子時雍

子時熙

子時亨

子時章

子緯 無嗣

子綬 無嗣

子楨 子文通 子儗 無嗣

子文進 無嗣

子文達 無嗣

子文遠 子儒子時志

子德 北京

子昭 子椿

子杞

子桐

子權

子克謙

子倫 北京

子儀 子克讓 子海 子

子

子洪 子讚 子明

子道榮

子克信 子欽 無嗣

子鑑 無嗣

族譜後錄上篇

嗚呼自生人以來氏族之衆不知凡幾矣幸而有盛氏自盛氏以來生齒之衆不知凡幾矣幸而有予計予之在盛氏也不猶稊米之在太倉矣乎計盛氏之在生人也又不猶稊米之在太倉矣乎若然則不為之譜無損也為之譜亦無益也雖然與其無損而不為寧無益而為之盛

氏之先本侯國實姬姓也有女為穆王妃周衰  
入秦而秦有槁者為始皇將守事於韓漢興司  
馬相如以文章鳴於蜀而牂牁人覽字長通者  
與之交問賦於相如相如答之書於是作合組  
之歌列錦之賦東京時吉為廷尉三國時會稽  
孝章器量雅偉孔融為之書薦於曹公孝章之  
子匡奔魏仕至征東司馬六朝時有盛侍郎忘  
其名與謝朓善唐時考師為太宗將均善為文  
至於宋文肅公度最知名與梅學士同館閣而

新亦以武功顯官至濠州團練使勝國時宣州  
匡道通真舟信浩六人俱以造墨稱於時天台  
陶氏為之著於錄焉自有周迄於胡元其見於  
載籍可知者止此矣然豈盡於數人矣乎蓋有  
有而不見於載籍者矣亦有見於載籍而予不  
及見者矣及我 聖祖定天下四方之民咸沐  
浴王者之澤而盛氏得為編氓豈不幸哉雖然  
自 國朝以至今日盛氏蓋有達者顯仕於上  
而隱者韜處於下者焉遠者分見於四方而邇

者同居於京邑者焉將以為異歟則同一姓氏也抑以為同歟則不相慶吊也夫同一姓氏而不相慶吊此無他無譜以稽之爾使有則雖同姓而冒於他人不得而湮也異姓而冒乎盛氏不得而溷也遠者而同據譜以聯之近者而異據譜以拒之上之而祖考有所系下之而子孫有所守中之而兄弟宗族有所屬矣譜之功豈不大哉然則譜何所始始於吾所知爾吾所知者自吳而徙於上元也是時盛氏為蘇之長洲

民有三老者生子八人一曰福孫壽孫雙孫全孫得孫足孫滿孫定孫而一曰孫係者贅於胡氏同來金陵其餘七人與其父一曰在吳雙孫名以中死葬石子岡為盛氏之始初生子五人曰全曰德曰昭曰倫曰儀而德與倫永樂中以匠籍北隸大興至今俱隔絕不可考矣

族譜後錄下篇

盛氏之系其詳既不可考而所知者則自洪武之二十四年始是時高皇帝甫定京師徙四

方之富豪以實之曰三老者為蘇之長洲人生  
八子其第三子以中贅於同縣胡氏遂與同來  
金陵生子五人而諱全者高祖也高祖娶賈氏  
生子五人而諱榮者曾祖也曾祖娶任氏生子  
五人而諱經者祖也祖娶李氏生先子及先叔  
予嘗聞之先子云盛氏之自吳徙也高曾時當  
國家豐裕盛氏亦饒於財而吾父最貧伯父綱  
伯父紀往來閩越為大賈以財雄一時而予父  
訥訥不能出一言人即侮之不敢應也母李氏

夫人本宦族勤儉有禮鞠予二人予少時有識  
之者曰是兒必大盛氏也爾其志之予泣受而  
不敢忘先子諱鸞字天祥娶張氏夫人與之同  
庚生於弘治五年生子三人長曰時春季曰時  
東而次則恭也先子為人豐頤厚項髯冉冉幾  
二尺恢豁不疑人欺而亦未嘗以一言欺人年  
二十餘即往來茗雪而茗雪人施鏜與之交最  
密鏜子峻幼而英敏喜讀書長先兄數歲先子  
見輟愛之峻欲從師攜米穀以往而祖母吝不

之與先子力勸曰有兒如此而不使之學是棄其兒也吾兒設不嗜學則已若嗜學寧靳之哉傍有日者曰試為我決之日者曰二子俱當顯先子曰予所望者不過為書生爾敢覬其顯耶於是歸命先兄從師業儒罄厥力焉後峻舉進士官南刑曹而先兄亦舉於鄉峻之弟適自丹陽來聞之喜墜而下馬同行者觀之咸曰是可  
以見二氏之交矣先子自以有子從縉紳後可以佚矣乃闢園後圃日與鄉人徜徉其內酒酣

自為新詩填詞艷曲歌之吐音宏亮嘻咲自得後先兄以資授安陽尹業當奏績有封貺矣而先母前數月卒及既窆擢太僕寺寺丞又當奏績有封貺矣而先兄前一日卒先子乃深自愴恨曰予少時世守世業至姑蘇入嘉湖又自皖抵鄱陽大庾而番禺往返二十餘年道途不啻萬餘里至於今日柰何有子而不及見其成是殆天喪予也遂寢疾一夕而卒未卒之前予與諸子侍坐先子臥帷幔中廩所

作詞曰中秋伊適自今夕日來酌酒玩月吾不  
汝厭也越歲此日有登第者乎則吾願畢矣  
言之泣下嗚呼以先子之仁慈淑善而不膺遐  
祉以先兄之英明強果而不登臚仕以先子之  
長厚誠慤宜食其子之祿而不荷 國恩天之  
灾盛氏何如是酷耶豈為之後者不足以承之  
故降之罰耶雖然當勝國時吳越之民多死於  
兵而盛氏獨以富豪徙徙之時自罹重典者有  
矣而又得獨完豈非祖宗之幸 國家之恩也

哉為子孫者可以念矣故譜而著之終篇庶覽  
者之易省也

前過擾感謝所撰家譜極妙自老蘇之後于  
今僅見足垂不朽矣但湏刻之以永其傳便  
是君家無窮之休若只錄此數本恐終難以  
及遠也寒舍譜牒僕畜此念久矣祇以匆  
未暇姑稍待當與君商定然後刻之陳時伸  
嘉靖辛酉秋試後姑蘇通家子禹門袁夢鯉  
校勘

是歲小盡日容峰金瑞龍書於環玉山房

卷之九

九



